



REPUBLIKA E SHQIPERISE  
BASHKIA FUSHE ARREZ

Nr. 3021 Prot Fushe Arrëz, me 29.09.2025



REPUBLIKA E SHQIPERISE  
KESHILLI I QARKUT SHKODER

Nr. 608 Prot. Shkodër, me 26.09.2025

## AKT - MARREVESHJE

### PËR

*“Bashkëpunim ndërvendor në fushën e Infrastrukturës dhe Shërbimeve Publike për kryerjen e investimit “Rikonstruksion i rrugës Lagja e Re e qytetit Fushë Arrëz, Bashkia Fushë Arrëz”*

*e lidhur mes*

*Këshilli i Qarkut Shkodër, përfaqësuar nga Kryetari z. Edmond NDOU që në vijim të dispozitave të kësaj Akt-Marrëveshjeje, do të quhet “Qarku”*

*Dhe*

*Bashkia Fushë Arrëz përfaqësuar nga Kryetari Z. Hil CURRI, që në vijim të dispozitave të kësaj Akt-Marrëveshjeje, do të quhet “Bashkia”.*

### *Baza ligjore:*

- Ligji nr.139/2015 “Për Vetëqeverisjen Vendore”, neni 14; neni 31 pika 2; neni 64 ; neni 77 ; neni 83 pika 1.
- Ligji nr. 115/2024 “Për buxhetin e vitit 2025”.
- VKB nr.45, datë 30.11.2022 ”Mbi miratimin e prioriteteve për investime në vepra publike për vitin 2023”.
- VKQ Shkodër nr.2,date 29.12.2022 ”Mbi disa ndryshime mbi prioritetet e Këshillit të Qarkut Shkodër”.
- VKQ Shkodër nr.26,date 20.12.2024 ”Mbi miratimin e buxhetit të Këshillit të Qarkut Shkodër për vitin 2025 dhe PBA 2025-2027”.
- VKQ Shkodër nr.20, date 24.09.2025 ”Mbi disa ndryshime në VKQShkodër nr.26, datë 20.12.2024-Mbi miratimin e buxhetit të Këshillit të Qarkut Shkodër për vitin 2025 dhe PBA 2025-2027”

Lidhet kjo Akt-Marrveshje, për bashkëpunim ndërvendor, si më poshtë;



**Neni 1**  
**Objekti i Akt-Marrëveshjes:**

Objekti i kësaj Akt-Marrëveshje, është bashkëpunimi ndërvendor në fushën e Infrastrukturës dhe Shërbimeve Publike, për kryerjen e investimit **“Rikonstruksion i rrugës Lagja e Re e qytetit Fushë Arrëz, Bashkia Fushë Arrëz”** nga “Qarku”, në zbatim të Vendimit të Këshillit të Qarkut Shkodër dhe Vendimit të Këshillit Bashkiak Fushë Arrëz të sipërcituar, ku përcaktohet si prioritet realizimi i këtij investimi.

**Neni 2**  
**Kushtet e marrëveshjes**

1. “Qarku” merr përsipër të financojë projektin e Bashkisë Fushë Arrëz, në shumën totale 14,895,000 (Katërmëdhjetë milion e tetëqind e nëntëdhjetë e pesëmijë) lekë prej së cilit shuma 11,395,000 (Njëmbëdhjetë milion e treqind e nëntëdhjetë e pesëmijë) lekë është parashikuar në buxhetin e vitit 2025 nga transferta e pakushtëzuar e vitit 2025 dhe pjesa tjetër, shuma 3,500,000 (Tremilion e pesëqindmijë) lekë është planifikuar dhe miratuar nga fondet e trashëguara nga viti 2024, me objekt **“Rikonstruksion i rrugës Lagja e Re e qytetit Fushë Arrëz, Bashkia Fushë Arrëz”**, i cili do të prokurohet nga Bashkia.
2. Qarku do të kryejë transferimin e fondeve të planifikuara dhe të miratuara në buxhetin e vitit 2025, nga Këshilli i Qarkut Shkodër, tek Bashkia për kryerjen e investimit për objektin **“Rikonstruksion i rrugës Lagja e Re e qytetit Fushë Arrëz, Bashkia Fushë Arrëz”**, në zbatim të dispozitave ligjore në fuqi për këtë qëllim.
3. Afati i akt-marrëveshjes përfundon me kryerjen e investimit për të cilin Qarku do të vihet në dijeni.

**Neni 3**  
**Mënyra e lëvrimit të fondit/Burimi i Financimit**

1. Qarku, në një kohë sa më të parë me fondet e planifikuara të vitit 2025 dhe përkatsisht shuma prej 14,895,000 (Katërmëdhjetë milion e tetëqind e nëntëdhjetë e pesëmijë) lekë, e planifikuar nga Trasferta e Pakushtëzuar e vitit 2025 dhe nga fondet e trashëguara nga viti 2024, bën menjëherë transferimin e kësaj shume nga Qarku tek Bashkia, për kryerjen e investimit me objekt **“Rikonstruksion i rrugës Lagja e Re e qytetit fushë Arrëz, Bashkia Fushë Arrëz”**.
2. Qarku, do kryejë procedurën e transferimit të fondeve sipas pikës 3 të Vendimit të Këshillit të Qarkut Shkodër Nr. 20, date 24.09.2025

**Neni 4**  
**Detyrimet e palëve**

1. Qarku, në bazë të projektit të investimit me Objekt **“Rikonstruksion i rrugës Lagja e Re e qytetit fushë Arrëz, Bashkia Fushë Arrëz”** dhe vendimit të KQShkodër, do të kryejë transferimin e fondit për këtë investim.
2. Bashkia detyrohet të kryejë procedurat e prokurimit për këtë investim dhe ta përdorë shumën e transferuar nga Qarku, vetëm për investimin e planifikuar dhe të miratuar sipas kësaj Akt-Marrëveshje në bazë të akteve ligjore dhe nënligjore në fuqi.



## Neni 5

### Detyrimi për raportim

Bashkia, detyrohet të respektojë kushtet e kësaj Akt-Marrëveshje duke ju referuar objektit të saj si dhe të njoftojë Qarkun për ecurinë e kryerjes së këtij investimi. Për këtë mban përgjegjësi struktura përgjegjëse e kryerjes së procedurave të Prokurimit pranë Bashkisë Fushë Arrëz, cila do të informojë Qarkun për ecurinë e procedurave të prokurimit e deri në fazën e marrjes në dorëzim të investimit.

## Neni 6

### Dispozita të Përgjithshme

1. Në rast mosmarrëveshjes që nuk mund të zgjidhen me mirëkuptim ndërmjet palëve, pala e interesuar do t'i drejtohet gjykatës kompetente.
2. Kjo marrëveshje përbëhet nga 3 fletë dhe hartohet në 4 kopje origjinale, 2 kopje do të mbahen nga Qarku, ndërsa 2 kopje të tjetra do t'i jepen Bashkisë.
3. Palët pasi e lexuan, e pranuan pa vërejtje dhe e nënshkruan me vullnetin e tyre të plotë.

BASHKIA FUSHË ARRËZ

KRYETARI

Hil CURRI



KËSHILLI I QARKUT SHKODËR

KRYETARI

Edmond NDOU

